

Mreža 4P predstavlja važan oslonac žrtvama nasilja, pružajući im podršku, pravovremene informacije i pomoć kroz proces prijavljivanja i suočavanja sa počiniteljem nasilja.

O njihovoj ulozi, značaju i iskustvima iz prakse razgovarali smo sa Elmedinom Šabić, jednom od aktivnih pomagačica Mreže 4P.

U nastavku donosimo intervju u kojem Elmedina objašnjava šta je zapravo Mreža 4P, na koji način pruža pomoć žrtvama nasilja, te kako izgleda njihovo djelovanje u sudskim postupcima.

1. Šta je Mreža 4P i koja je njihova uloga?

Mreža 4P je mreža specijalizirano obučених pomagačica koje pružaju podršku ženama u pristupu uslugama i pravdi u cijeloj Bosni i Hercegovini.

Mreža 4P nastala je sa jasnim opredjeljenjem svih članica da svoj društveni angažman usmjere ka ženama koje su doživjele ili doživljavaju nasilje, prepoznajući slabost lokalnih zajednica da razumiju i prihvate sopstvenu ulogu u kreiranju boljeg i sigurnijeg okruženja.

2. Za kakvu vrstu pomoći i podrške Vam se mogu obratiti žrtve nasilja?

Naša pomoć je besplatna, povjerljiva, ukoliko želite prijaviti nasilje, dobiti podršku, informacije o zaštiti svojih prava i procedurama zaštite prava pred institucijama, kako možete zaštititi sebe i djecu, potrebna vam je pravna, psihološka podrška.

Podrška se može ostvariti ličnim dolaskom u NVO Sunce ili putem telefona.

3. Kakva su Vaša dosadašnja iskustva kao jedna od pomagačica?

Nažalost broj žrtava koje traže pomoć iz dana u dan sve je veći. Mnoge žene ne poznaju pravne procedure u pristupu pravdi. Pomagačice su prošle zahtjevan i praktičan program obuke koji ih je osnažio da prepoznaju i primjene najbolji model podrške ženama, uvijek imajući na umu njihovu sigurnost i štiteći njihovo dostojanstvo i integritet.

4. Da li ste i u kojem broju postupaka do sada sudjelovali pred sudom u ulozi pomagačice?

Zakon o zaštiti od nasilja u porodici FBiH prepoznaje osobu od povjerenja koja može biti prisutna svim postupcima i radnjama u koje je uključena žrtva, a koje su u vezi ostvarenja zaštite i podrške vezano za nasilje. Općinski sud u Bugojnu pismenim putem obavijesti oštećenu da se po vlastitom nahođenju može obratiti osobi od povjerenja.

Bila sam dva puta prisutna, kada je žrtva tražila podršku, zbog osjećaja straha da se pojavi sama na sudu, pred bivšim suprugom, partnerom.

5. Na koji način žrtve nasilja mogu stupiti u kontakt sa nekom od pomagačica, ako im je potrebna njihova pomoć i podrška?

Briga za vlastitu sigurnost i osude javnosti ne treba biti prepreka za žrtve nasilja.

Za što brži i efikasniji pristup uslugama POMAGAČICA U ZAJEDNICI kreirale smo interaktivnu mapu:

<https://mreza4p.com/mapa-4p/>

Pristup mapi je vrlo jednostavan i prilagođen, bez obzira da li koristite mobitel ili računar. Pomagačice, nas 112 obučениh, osnaženih, prisutnih u 35 lokalnih zajednica širom BiH, možete potražiti klikom na jednu od crvenih tačaka, ili pretragom naziva grada u dijelu „search“ (pretraži). To će vas odvesti na imena pomagačica koje su u tom mjestu i koje možete pozvati ili im poslati e-mail.


Mreža 4P:

P – POMAGAČICA

P – PODRŽAVATELJICA

P – PRISTUP, POSVEĆENOST, PAŽNJA, POVJERENJE

P – PRAVDA



**MREŽA POMAGAČICA ZA
PODRŠKU ŽENAMA U PRISTUPU
USLUGAMA I PRAVDI**